

溫縣志

樂

溫縣志卷之十一

宦蹟志

百里綰綬者陞陞相望而史書循吏不過數人故夫安靜之吏  
悃悞無華在位無赫赫名去後見思者上也嚴毅明察吏懼民  
凜者次也矯情飾貌似是而非名實兼收者抑其次也至恣其  
饕餮之性厭其谿壑之欲殘民以逞若餓豺狼焉則不足選矣  
實蹟昭彰褒貶騰於衆口人之多言亦可畏哉

漢

縣令王渙字穉子縣多奸猾積爲人害渙以方畧討擊悉誅之境  
內安堵有商人露宿於道放牛者云以屬穉子終無侵犯百姓  
謠曰王稚子代未有平徭役百姓喜任三年遷兗州刺史

晉

溫縣志

卷之十一

宦蹟

一

李密字令伯政化嚴明中山諸王每過溫必責求供給吏民患之  
及密至諸王過縣求芻苢薪蒸密牋引高祖過沛賔禮老幼桑  
梓之供一無煩擾伏惟明王孝思維則動識先戒本國望風式  
歌且舞誅求之碎所未聞命自後諸王過溫不敢有煩

唐

主簿韓愼溫簿卒柳宗元銘其墓曰友而愛愛而忠忠而孝宜之  
貌稱其行行稱其詞賤受不壽爲善是悼祔於祖考初筮攸告  
季也之純實哀無垠終窆且貧控於仁人脩物稱家其儀式陳  
爰相其悲載刊茲珉

縣尉孫十名闕尉溫時錢起送以詩曰飛花落絮滿河橋千里傷

不惜芸香染黃綬惟憐鴻羽下青霄雲衢有志終驥

首吏道無媒且折腰急管繁絃催一醉頽陽不住引征鑣

元

縣尹成昉剛明果斷有守有爲政多便民割俸以修學宮旣去民思之

王任字遵尹均徭薄賦賑餓教民溝洫治爭訟平

靳燧王公德政碑記秦分裂天下而郡縣之守令之名迺一迹之前記糧二千石甚衆縣之去郡相什百令之賢班班僅見詎非總裁者易爲力近民者難爲功與至於縣制復有赤畿望繁之差則令之任又緣地而輕重也温在周爲蘇忿生之采邑南控河直鄭虎牢爲懷之藩屏故謂無温是無郡地狹民夥役繁事殷束矢叢萃稱治之難與他望繁者侔至正改元冬邑之耆宿王某等狀其前令王公之循政諗曰王公嘉惠我人俾安處田里而無疾首蹙額之虞迨去猶始至也欲報之德公廉白不

温縣志

卷之十一

宦蹟

二

我受也顧惟列公之績文之貞珉以示不朽我心庶幾乎予與公素稱善又嘗教讀敝邑凡公之行事皆耳聞目擊舍予焉將誰托筆先旣嘉邑人之不忘君德復樂王公之政飫人心也謹次第其事而譜之始公視事之日適年饑甚閱簿歲積義倉糧餘二千石將發之衆牽故常須報郡還公曰是固民物也十日命不下民殆轉溝壑不允吾自任罪且償卽周歷以給免流殍之患公病戶業之無實徭役之不均也以他事集長諸社者而諭之曰汝儕各司之戶業高下固知之矣當前陳無隱吾且廉之違則痛繩汝衆悚息手實以對不終日而事集無敢欺者公乃櫝其簿籍而親其管鑰人人莫得夤緣由是量其饒乏而升降其賦租等之以三強弱各得其所及歲常供億或非時之須則以中產以上循環以給比君去猶未遍及縣之鄉正里司督

租賦者率以代償見困踰年則更民畏避之姦弊百出公按簿程其產力定以名額前期揭榜以示無移易者歲比不熟公捐俸金陳酒穀禮其鄉之有積者勸以周恤之義衆感其誠入粟者相望於道民賴以濟去而復業者以百數其理訟也務得其情不事赫赫聲其要歸在於解紛釋憾以睦民風然明決察理人不能忘也民有以荒歲就食河南者十有餘年竟亡於外其妻挈其孤子以歸其族父斬其田宅乃曰是非吾氏子也聞之於官漫不能決公訪得其真以他事物色之竟得其歎悉還其業隣縣有甲與乙以田訟者移鞫積年府以檄公公出其真券乃責之曰是丙氏之田汝二人安得有之奪以付丙氏子其發奸摘伏類如此舉其尤章章者温地素下苦水潦公督民浚其溝洫深廣倍當禾乃登公因政治之暇新三皇廟之兩廡建講舍三楹復新宣聖廟之兩廡規營有方無煩於下縣之公廨歲久上雨旁風殆不能支公謂僚佐曰是所以庇吾身而理民訟也此而不治况他乎首率錢以倡僦工貨材因其舊而增大之餘三十楹煥然一新自始事訖於落成民不知役公廉平周慎讀書樂善故稱治爲支縣之最公諱任字遵尹河內人

明

知縣沃墅官温期月立變其俗自奉清儉官服以布爲之其孺人紡織佐墅民艱於食墅令開荒蕪樹桑棗民賴以活歌曰田野闢沃公力衣食足沃公育比代去百姓遮道晉之仍宰温後卒於官葬温南壇側墓碑現存

王蕘任温值歲荒勸富民輸粟以賑全活者甚衆政尙嚴肅盜聞風皆遁去後陞都督都事

虞瑄爲 尚寬厚時有囚魯拜住者泣懇乏嗣瑄縱其妻入侍  
得子及以憂去邑人鄭舉等五百人詣闕泣晉後陞河南府知  
府

宋德德政優異陞授監察御史

胡宣初任扶溝以才猷調溫時大飢宣百方救濟上疏請賑民賴  
全活者數千人涖任八載清操如一

救荒疏奏爲地方災異乞恩救荒等事臣欽蒙聖恩除懷慶府  
溫縣知縣臣一入溫縣境界田野荒蕪土地乾燥十室九空  
是逃亡屋基三羣兩夥舉爲趨食遊民烟火斷絕雞犬無聞啼  
饑號寒而哀聲動地拋妻棄子而怨氣冲天道傍死屍惟存其  
骨林中樹木盡去其皮覩此災異實爲可憐有傷邦本良可惜  
也臣十一月二十六日到任隨據本縣太平鄉里老朱福等連

溫縣志

卷之十一 宦蹟

四

名狀告本縣地狹民貧素無積蓄先自成化十七年天時大旱  
田種無收十八年大水人畜沒十九年蟲蝻生發食傷苗稼累  
年被災困苦無伸荷蒙朝廷垂憫小民已將該徵錢糧寬免蒙  
福未有逃竄不期自成化十九年來至二十年十一月一向亢  
陽二麥不收秋田無種况本縣倉廩空虛無從賑濟各行採食  
木皮蓬蒿已盡摘掃槐子蒺藜將無自將猪犬牛羊俱各宰烹  
又將房屋折壞變賣度日間有鬻賣子女以易粟割剥人肉以  
充腹蒙本縣累行申達合于上司乞爲撥糧救濟奈一時未到  
飢餓難忍相率逃移趨食去訖又兼逼迫拖欠錢糧以此小民  
愈思逃竄若不脩情上告給糧賑濟民命難存等因到縣誠恐  
未的臣就於次年正月初二日親詣各鄉逐一踏勘盡日不見  
人行沿村不聞烟火瓦礫蕭然屋廬傾頽有飢餓不能出門戶

者有殭死空房無人埋座者途間不敢獨行多被饑民打食甚至同行至親相爲割食救命俱係窮極不畏明禁除責委本縣典史張英督令地方火甲埋座巡視外臣勘得本縣逃移者十有八九見存者百無一二已委本縣縣丞劉璠前往鳳陽等府招撫外臣竊見河南等府惟懷慶被災甚重懷慶六縣惟溫縣尤重查得本縣自成化十九年拖欠一應夏稅秋糧及棗子易米共三萬二千八百石一斗二升濶絹八百九十二疋馬草七萬束今年饑民流移向後豈無躲避縱有一年豐收難補數年拖欠乞將歷年逋負量免以安民心本縣原派京班皂隸一十五名楊村閘夫十名鄭府長史司皂隸十名拖欠成化十八年紅花一千四百觔水牛皮二百二十五張成化二十年起至二十一年止原額歲辦皮張共一千一百二十五張折胖襖一

溫縣志

卷之十一

宦蹟

五

百四十件俱係上戶應當今民已逃竄無從解發誠恐臨時悞事累罪不便合無改派有収去處待民復業照舊起解庶甦民困如蒙准奏皇上以天地之量日月之明憫生民之疾苦惟一視而同仁乞勅該部會議將前項拖欠量行蠲免京班等項暫且改派差官賑濟便益臣千冒天威不勝悚慄具本專差司吏方璽親賚謹具奏聞奉聖旨錢糧蠲免差官賑濟該部知道成化二十一年月日奏

張鴻洺任八載廉隅不苟嘗掘地得古錢千貫與民抵積逋去任時囊橐蕭條民嘗頌之

李鏗才兼文武恩威並著值流賊亂修城繕兵賊憚之不敢入境

後陞光州知州

王民表字道立發奸摘伏如神法令清肅苞苴不行奸民斂跡避

之人比之包孝肅

何瑭王公政績碑記懷慶所屬六縣温最小其地瘠其民貧故前後爲令者多以煦濡慈惠之政治之因循玩愒益偷乃正德十三年山東王侯以鄉進士選知縣事下車以來一切以嚴從事凡民之罹於法者慢期會者違教令者與吏之通請謁受賄賂者悉繩之以法又使人察覺四境民有酗酒者賭博者強凌弱衆暴寡者光棍喇唬放火行劫大爲民害而莫敢誰何者悉捕而治之以重典由是法令清肅苞苴不行良民冤抑者有所赴訴奸民凜凜然畏刑法之及其身視侯如雷電鬼神之不可測度雖在私室亦不敢放肆出一言况敢叫呼橫行以爲齊民病哉綱紀旣振乃修城隍治橋道植榆柳數萬株以儲材木築河堤數百步以防洪水積粟數千石以備凶年創養濟院以養

温縣志

卷之十一

宦蹟

六

犖獨聞民有耕種而無牛租者婚娶而無聘財者皆量爲資給流民自外而復業者皆量免差役稅糧時或捐奉設粥以濟饑莩尤晉意學校暇則試諸生學業勤惰第其甲乙而勸懲之上司提學者久不至縣乃預選民間之子弟俊者百餘名量免其戶之差役俾之肆業以待收擇河內舉人范安僑寓於温亦爲之樹立坊碑使後進者有激勸政聲流聞當道交薦乃正德十四年鄉試取侯爲內簾官品藻精當得士爲多由是當道亦知其能乃薦其才堪治繁改開封府祥符縣知縣士民戀慕而不可留也乃述侯之德政徵言於余將勒之貞珉以示久遠余惟昔子產之在春秋夫子稱其爲惠人而其授太叔以政也乃曰惟大上能以德化民其次莫如猛火烈民望而畏之故鮮死焉水弱民狎而玩之故多死焉今以王侯之政觀之子產之言

盖自有所見而未可執一論詩曰豈弟君子民之父母夫豈以強教之弟以悅安之民斯尊親之如父母何以猛爲抑豈弟君子蓋子產所謂太上不可得而見矣以愛爲心而以猛爲政如子產之所以授太叔者今盖亦不易得也王侯其賢乎哉侯名民表字道立山東登州府招遠縣人

王哲鄉素有德量人服其度

孟津濬澇河以除水患修南門以壯金湯

南文蔚號耀宇慈祥愷悌賑濟多方

楊允京清以持已慈以愛民

馬貢賦性亢直慷慨好義法嚴政簡百姓畏威懷德改建正南門創建普濟橋南門外堤今人猶稱其有幹濟云

李致敬廉介明決讒譖不行申除拋荒糧二千八百餘兩

温縣志

卷之十一 宦蹟

七

田九二拋荒碑記邑侯李公諱致敬號聚所霸州人也蚤登賢書天啟癸亥春三月奉簡命來宰温邑說者謂長材屈於短馭咸爲公惜公曰温雖小邑有蒼赤可哺有桃李可培奚必廣土衆民爲哉甫下車卽以冰蘖自矢布便宜之令頒寬恤之條至甲子公餘聚閭邑紳衿父老於公署問其疾苦民皆曰此我輩得見天日時也遂以拋荒之苦告夫拋荒者何乃額外近河塌地四百四十五頃一十三畝其糧灑派概縣共銀二千八百六十六兩九錢有奇徵解藩司抵補他縣拖欠公聞之扼腕咨嗟以爲疲瘠小邑殫地竭廬辨納額賦已有杼軸其空之嘆又何能割已肉而啖它人也卽令里民陳告撫臺元按臺楊蒙批行查公委曲條陳詞嚴義正上臺因之慨允百年之害除於一温之黃童白叟咸欣欣吟曰孰噓我以温和孰出我於湯火惟

茲父母孔邇堪歌嗚呼公之深仁厚澤如此夫豈百里才乎指日聖天子考乃奇績不次擢用公起而司鉉鼎理陰陽環海內外莫不借其帡幪獨温之民也歟哉

張兆罷除地方土豪免小民魚肉建敵樓二十座及東南隅磚城後調繁孟縣

吳從誨府判署縣事值河南土寇猖獗沿河而上直抵温城從誨親冒矢石率衆禦之寇不得渡從誨曰水戰利火攻命鄉兵守脩陳王廷千總郭忠等縱火焚船賊溺死者無數遂遁去忠中流矢死

縣丞范忠修沅河堤以禦水患温民至今賴之  
典史張祚允時流寇攻城西門門將陷祚允以火攻火撤木板橫加門下焚之寇遂引去城賴以全

温縣志

卷之十一 宦蹟

八

國朝

知縣郭仰居官務大體隆學校修學宮邑務煩劇游刃而解有能政聲

伊洛儒字菊元重修南門外王公堤以禦水患

邵冲字崑星號翁源孤介自持引掖後進愛民如子樂聞已過刑清政簡案無晉牘清丈上下地畝彙造大冊不使蠹書舞弊温民至今感之立祠郭村鎮

徐登瀛孟令兩署温事政清法肅民感其德建祠立碑於郭村鎮滑彬字魯齋建書院義學以育人材改食蘆塩以甦民困申請灘地改行活粮除邑永害温人至今猶食其德

王積真聽斷明察案無宿牘捐貲三百餘兩完民積欠里民感德立去思碑

孫眉修城郭以固地方建高閣以培風脉攢造灘地大冊立案杜  
爭亦頗幹濟然賦性險刻不能容物有犯之者波累親族終任  
訟不獲伸在溫十八年派累行戶剝削富民酷刑重賦百姓凜  
凜卧不帖席免官卒於溫

劉大觀字冕南聽斷明敏曲直立剖表揚先賢裁革陋弊詳憲  
糧加一火耗永爲定例並詳改溫庠陞爲大學邑人懷之

顧心錯政簡刑清愛民禮士葉諭吳玉斗爲諸生時制府王士俊  
招入大梁書院肄業吳故寒士心錯厚恤其家不使聞知調繁  
河內士民送者遮道爭舁其輶輿絡繹不絕後陞光州知州  
范元灝字任斯清廉仁恕屏絕苞苴詞訟多令自拘胥役不得擾  
民奉 憲設立社會躬自董率與衆生敦禮讓涖任四年告休  
士民感之立去思碑子朝綱英年成進士人以爲積厚而流云

溫縣志

卷之十一

宦蹟

九

宋鋒字蓮池明斷清正涖任不久人多思之

張承謨見利則攫不遺尺寸通賄暮夜不畏清議然縊死人命卽  
時結案決無旁牽亦不可沒也

教諭孫克肖流賊冒兵入城殘傷官民賊去後訛傳百姓獻城遂  
有剿洗溫民之議邑人驚慌無措克肖力爲申豁親愬負屈  
民得以保全

王沛聞恃伯父少司農紳之勢驕橫不度與縣令通譜第其行爲  
二重責諸生贄禮扑及父兄百姓小忤意竟自捶擊不關有司  
郭忱與諸生接惟賄是問人言嘖嘖勿恤也

李夢麟博古好學詞賦精工

靳址品行端方理學名宿

訓導白來貢字方侯詳請廣額改溫小學爲中學閤學感之

受田詳請廣額記溫係卜子梓里文學之風至今未艾限於額入庠止八人應童生試者恒多遺珠之嘆康熙己卯歲白先生司溫訓事喟然曰荆多羨王冀多良馬何採取者廉也越辛巳得攝學篆遂具詳上憲屢詳屢撥歷歲餘乃得達部報可改溫爲中庠嗣後歲試入庠多八人科試入庠多四人三十年間百二十人拜賜焉先生之功及於溫者遠矣雍正之二年又蒙新恩得附上庠非先生詳請改中庠於前今安能越次而爲上庠耶是雖建生祠名宦非媚也宜也然力有未逮尙俟諸異日第恐事久年湮溫人不復記憶故爲畧序如左先生諱來貢字方侯河南靈寶人學有原本訓士多法茲記其詳請廣額一事不概及廣額自康熙癸未歲越明年甲申以老去

世之居高位享厚祿者率皆生前赫赫耳夫多藏豐屋能久享

溫縣志

卷之十一

宦蹟

十

者幾人何如峴石棠木之沒世不忘乎詩云高山仰止景行行

止余譜宦蹟盖不禁流連三嘆云

舊志

